



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Servorum ministerium calceos portare.

**urn:nbn:de:hbz:466:1-12835**

## 364 De CALCEIS HEBRAOR.

domiti, neque tantum in Davidis potestatem, sed servitutem etiam redacti, uti narrat historia, quæ in libris Samuelis legitur. Et locavit præsidia in Edom, in tota Edomæa præsidia locavit, & omni Edumæi facti sunt Davidis servi. Servos olim hoc ministerio functos non apud Hebraeos tantum verum etiam Græcos atque Romanos, ut dominorum gestarent sandalia, res est notissima. Unde Plautus servos appellavit *sandaligerulos*, si vera est Jani Douzæ, viri nobilissimi, qui tamen plus ingenio quam natalibus debet, emendatio, qua pro *salutigerulos pueros*, legit *sandaligerulos*, hoc est, servos qui sandalia gestant, sicuti ancillas vocavit Plautus *sandaligerulas*, quæ sandalia dominorum servabant & gerebant. Ex quo veterum more videri possent viri eruditissimi optime explicasse hæc Davidis verba *super Edom proieciam calceum meum*, quasi dicat tanquam vilibus servis calceos projiciam Edomæis, ut eos gestent, quod servorum est ministerium. Prout ex hac consuetudine expuerunt

2. Sam.  
8. 14.

Plaut. in  
Aulul.  
Act. 3. sc. 5.

Trinumno  
Act. 2.  
sc. 1.

suerunt Johannis Baptista dictum, qui, dum se Christo comparat, dicit: *Ἐγώ εἰμι οὐκέτι βασιλεὺς τῶν καθημένων* Matth. 3. *Ἐγώ εἰμι οὐκέτι οὐδὲν αἴρων, οὐδὲν διδύμονται τῶν καθημένων*, solvere calceos, vel corrigiam calceamentorum, (cum, qui calceos portabant, iidem solverent; & qui calceos solvebant, iidem exutos auferrent, & curarent) & ministerium notat vilissimum servis demandari solitum. Sed cum præcesserit Moab est lavacrum meum, optime puto judicasse doctissimum Gatakerum Davidem dixisse, super Edom projiciam calceum meum, nempe ut Edumæi abstergant pulverem atque lutum, & sint pro peniculo quo calcei extergeantur. Ita enim scite admodum dicit Moabum pro lavacro & pelvi se habere, in quo pedes suos proluat, Edomum vero pro peniculo futurum sibi, ut poterit calceos extergendos sit projecturus. Apud veteres nihil vilius fuit habitum, quam calceamenta luto conspurcata exterge-

Q 3

re.